


中华古籍保护



今上皇帝祝延

聖壽闔郡官僚同咨祿位雕造

大藏經印板計五百餘函時崇寧元年五月日謹題

辨婆沙論卷第九

四諦處下

三歲

僧伽跋婆譯

洛

丙辰賈侍師

如世尊契經說當知苦如阿毗曇說


知一切法何以故世尊說獨說知苦觀

時故此說二種時觀時分別時如觀時如是

佛契經說當知苦如分別時如是阿毗曇說

以智知一切法復次說二種隨順觀隨順分

別隨順如觀隨順如是佛契經說知苦如



分別隨順如是阿毗曇說以智知

法可

曰一向無漏知故佛契經說當知苦有漏無
漏知故阿毗曇說以智知一切法如有漏無
漏如是諍不諍世間出世間住依欲出要如
是盡當知或曰知俗數故此說二種知俗數
知第一義數如知俗數如是佛契經說當知
苦如知第一義數如是阿毗曇說以智知一
切法云何知俗數當知苦果是當斷習者除
一切結是是謂俗數云何第一義數謂二功
德是離一切結盡作證能除一切世間根本
是修道尊者波奢說曰如世尊當知苦如阿
毗曇說以智知一切法何以故世尊說當知

苦荅曰斷生死根故世尊說當知苦身見是
六十二見根六十二見是結根結是行根行
是報根依報在一切生死依報已依報生死
中便有善法不善法無記法此生死根從何
斷唯知苦是謂斷生死根故世尊說當知苦
或曰謂行者知苦心不錯亂若彼行者知苦
已未斷習而起者起已若問此陰常耶非常
耶彼說無常一時頃不住樂耶苦耶彼說苦
如熱鐵丸淨耶不淨耶彼說不淨如糞此中
爲有我耶爲非有我耶彼說非衆生非命非
人非士內空無作無教作無覺無教覺行聚
淨謂了知苦心不錯亂以是故世尊說

當知苦或曰斷陰著故世尊說當知苦本際
不可知如此衆生因陰受無量苦於陰中癡
還於陰愛著恠惜如彼小兒父母與杖還抱
父母如是本際不可知如此衆生因陰受無
量苦於陰中癡還於陰愛著恠惜世尊說欲
令不用陰當知苦知苦已於陰中不復著是

洛

九卷

賈侍郎拾

西辰

先

謂斷陰著故世尊說當知苦或曰本際不可
知如此衆生於陰計我想計衆生想計聚想
計人想計士想計命想此計我想計衆生想
計聚想計人想計士想計命想從何除始入
不顛倒法想唯有知苦以是故佛世尊說當
知苦或曰本際不可知謂此衆生於陰計有

常想樂想淨想我想此計常想樂想淨想我
想從何除始入不顛倒法想唯知苦以是斷
顛倒故世尊說當知苦或曰謂行者知苦已
義入佛法中法入佛法中第一義入佛法中
於法得無礙自在以故尔或曰謂彼行者知
苦已不從餘師於此外不求福田以故尔或
曰謂彼行者知苦已住佛法中如幢深入地
以故尔或曰謂行者知苦已除曾所行緣得
未曾行緣捨同行已得不同行捨共行已得
不共行捨世行已得出世行以故尔或曰謂
彼行者知苦已捨名得名捨境得境捨性得
性以故尔或曰謂彼行者知苦已除五以種

類得八人種類以故尔或曰謂彼行者知苦
已無量時惡行邪見顛倒亂心心數法何從
今住質直唯知苦以故尔或曰謂此苦性如
火燒性如毒害性如刀割性如槓殺如邊境
賊城為行結所侵以是故世尊說知苦當斷
習者如苦亦當斷何以故世尊說斷習說者
謂欲令一當來愛習諦者如前答愛此中盡
當答謂欲令苦亦斷非獨斷習謂前答當知
苦此中盡當答彼二論中此論當答何以故
世尊說當斷習答曰謂因斷果亦斷因離果
亦離因捨果亦捨以是故世尊說當斷習或
曰謂斷習時二因俱拔二因俱繫便有離散

有想無想處一切遍使拔以故今或曰於中
習起遍三界苦世尊說若不欲苦者當斷習
習已斷不復遍三界苦或曰謂習中三界有
軟中上果世尊說若不欲三界果者當斷習
已斷習不受三界果以故今或曰謂從習起
流三界苦如泉窟出水溢於外慧者說曰士
夫不欲令水出者當塞其源方已塞其源水便
不出如是從習中出遍三界苦世尊說若不
欲苦者當斷習已斷習不復流三界苦以故
今或曰捨陰重故世尊說當斷習如人負重
上山嶮慧者說曰士夫若不欲重者速捨任
已捨任重便墮如是此衆生負重陰履嶮生

死世尊說衆生若不欲重陰者當斷習已斷
習陰便墮不復成就是謂捨重陰故世尊說
當斷習盡作證者如何毗曇說一切無漏法
作證何以故世尊說盡作證答曰謂解脫不
繫相或曰謂因及果果中無因或曰謂因非
俱因果非俱果緣非俱緣所作非俱所作或
曰謂沙門果非沙門梵果非梵梵行果非梵
行或曰謂常恒處不變易離生老死或曰謂
一味異道果淨一切色故說無上或曰謂離
三成四捨五以是故出尊說盡作證思惟道
者如阿毗曇說思惟一切善有爲法何以故
世尊說思惟道答曰謂思惟者三思惟得思

惟服思惟。世俗道雖有思惟。但曰思惟得思。惟服思惟。斷思惟捨思惟。或曰謂思惟道者。欲得善果。彼道是善。善果是愛。愛果意樂。意樂果意欲。欲果或曰謂質直不邪。一向趣涅槃。或曰謂是沙門沙門果。梵梵果。梵行果。梵行果。俱果。或謂安隱樂趣。涅槃。或曰謂不貪除貪。不恚除恚。不癡除癡。或曰謂思惟能滅壞破。有此世俗道。雖有思惟。但增受長養。有或曰謂思惟能斷。有相續能斷。輪轉生老死。世俗道雖思惟。但相續有輪轉生老死。或曰謂思惟非身見。種非顛倒。種非愛。種非使。種非貪。處非恚。處非癡。處非雜。非雜。毒非。

雜濁非在有不墮苦習諦世道雖有思惟
但身見種顛倒種愛種貪處恚處癡處
雜汚雜毒雜濁在有墮苦習諦或曰謂思惟
苦盡趣道有盡趣道貪趣道盡生老死趣道
世俗道雖有思惟但苦習趣道有習趣道貪
習趣道生老死習趣道以是故世尊說思惟

洛

九美

後

道不說世俗道說曰此說十六聖行無常行
苦行空行非我行因行習行有行緣行盡行
止行妙行離行道行正行趣行出要行問曰
十六行有何性有一說者慧性謂說慧性者
彼慧是行能行他所行謂彼相應法雖能行
他所行但非是行性非慧故謂彼共有法雖

有他所行但非能行非共緣故亦非是行性
非慧故更有說者心心法性彼有說心心法
性者彼慧行能行他所行謂彼相應法彼亦
是行能行他所行謂彼共有法彼雖他所行
非能行非共緣故非是行性非慧故如一說
如二如是好如前所說慧性問曰名十六行
種有幾一說者名十六行種七謂苦行彼名
亦四種亦四謂習行名四種一謂盡四行名
四種一謂道四行彼名四種一是故名十六
行種七問曰何以故苦行名四種亦四答曰
謂此斷顛倒猶如彼顛倒名四種亦四彼治
亦名四種亦四如是說者名十六種亦十

六如名如種如是名數數種名相種相名異
種異名別種別名覺種覺如是盡當知此是
諸行性已種相身所有自然說性已當說行
何以故說無常行何以說乃至出要行答曰
無常者說二事時及緣時者一時作事二時
不作緣者諸法性羸隨因及緣苦者如病癰
患也空者內無作無教作無覺無教覺非我
者不自在故因者種子法故習者來故有者
流故緣者轉成故如泥團輪手水合已便成
瓦器此亦亦盡者滅陰故止者息三火故妙
者妙願滿故一離者已離不更離故道者除
妄道故王考除不三故趣者向涅槃故出要

者出生生死故復次非常者非究竟住故苦者
勞厭重故空者除我有見故非我者除是我
見故因者來故習者起故有者可得故緣者
隨所緣故盡者盡生死故止者止苦火故妙
者善有常故離者離生老無常故道者求故
正者正住故趣者趣滅不移故出要者安隱

洛

九卷

五

比丘法悟錢用板

保

故問曰如苦四行無常苦空非我行何以故
說苦諦不說無常空非我諦答曰謂此行久
遠行以此行過去三耶三佛說苦諦或曰謂
此苦行一向墮苦諦非餘他無常行共墮三
諦空行及非我行共墮一切法中此苦行一
向墮苦諦非餘是故說苦諦非餘或曰謂此

苦行一切能信凡愚及慧此法及外法以故
尔或曰謂令極断覺所覺行所行緣緣所緣根
爲根義佛契經說苦智彼所緣是苦諦或曰
謂此行增捨有能除生死如彼小兒與極妙
食若言當有苦彼便不欲如是此苦行增捨
有能除生死以是故佛契經說苦諦不說無
常空非我諦問曰如習有四行因行習有緣
行何以故世尊說習諦不說因有緣諦答曰
謂此行久遠行以此行過去三耶三佛說習
諦或曰謂令極断覺行所行緣所緣根爲根
義佛契經說習智彼所緣是習諦以是故佛
契經說習諦不說因有緣諦問曰如盡有四

行盡行止妙離行何以故世尊說盡諦不說
止妙離諦答曰謂此行久遠行以此行過去
三耶三佛說盡諦或曰謂令極斷覺所覺行
所行緣所緣根爲根義佛契經說盡智彼所
緣是盡諦以是故佛契經說盡諦不說止妙
離諦問曰如道有四行道趣正出要行何以
故世尊說道諦不說正趣出要諦答曰謂此
行久遠行以此行過去三耶三佛說道諦或
曰謂欲令極斷覺所覺行所行緣所緣根爲
根義佛契經說道智彼所緣是道諦以是故
佛契經說道諦不說正趣出要諦說曰此說
涅槃無形問曰何以故說涅槃無形答曰聖

所了故說無形聖了彼自在身作證無有能
在前論說彼是故聖所了故曰無形或曰離
一切色故故曰無形此說四色刹利梵志居
士工師復次四色青黃赤白彼中無有一色
是離一切色故曰無形或曰淨一切色故故
曰無形若利利修道彼得道果梵志居士工
師修道彼得道果是離一切色故故曰無形
或曰亦非色不依色故故曰無形色法雖有
形非形依心心數法雖依形非是形彼涅槃
亦不依色亦不依形故曰無形或曰稱歎無
量功德故故曰無形如人多有功德說者此
人功德多故不可具說如是涅槃無量功德

洛

九卷

六

比丘法語錄開板

保

故故曰無形或曰遍功德故故曰無形如摩
尼遍有光明彼說無形如是彼涅槃遍功德
故故曰無形或曰如此有為有因有果彼涅
槃無因無果故曰無形或曰如此有為法因
故說果果故說因彼涅槃非因故說果非果
故說因故曰無形說曰彼涅槃非說品問曰
何以故說涅槃非品答曰斷一切品故故說
涅槃非品如此有為作品生或五或四謂欲
令法常住彼一切有為法各各并已有五事
生彼法彼法生彼法住彼法老彼法無常謂
欲令法無常住彼一切有為法各各并已有
四事生彼法生老無常如此有為作品彼涅

槃不如是是故說涅槃非品說曰彼涅槃說
愛問曰何以故涅槃說愛答曰聖者不愛生
死涅槃者離生死或曰聖者不愛輪轉涅槃
者離輪轉或曰聖者不曰聖者不愛陰涅槃
者離陰或曰聖者不愛生涅槃者離生或曰
聖者不愛老死涅槃者離老死或曰聖者愛
念樂涅槃以是故說涅槃愛如彼契經說戒
及等意解脫是愛彼一切為涅槃故以是故
世尊契經說涅槃愛說曰彼涅槃說非可習
問曰何以故說涅槃非可習答曰有為為果
故習涅槃無有果問曰何以故說明所服行
答曰習故得故明者佛及佛弟子此緣彼發

忍及智是故說智故得故說曰涅槃說非可
思惟問曰何以故涅槃說非可思惟問曰何
以故涅槃說非可思惟答曰謂法意所生此
可思惟彼涅槃意所不生或曰有為法果故
思惟彼涅槃無有果問曰若涅槃意所不生
者此偈云何通

洛九卷

樹下靜思惟

依涅槃令入意

瞿曇禪無亂

不久息跡證

答曰此說意心為名此意得涅槃作證說曰
彼涅槃說第一義說智說阿羅漢果問曰何
以故涅槃說第一義答曰第一正故第一法
故第一究竟故第一等是故說第一義問曰

何以故說智答曰智果故彼說智問曰何以
故涅槃說阿羅漢果答曰可供養故說涅槃
阿羅漢果一切世間清淨供養盡可供養可
故說涅槃名阿羅漢果或曰不生故說涅槃
名阿羅漢果不復生諸界諸趣諸生輪轉生
死中故說涅槃名阿羅漢果說曰此涅槃說
近如彼契經說彼成說此十五法多智多見
多覺近任涅槃我說彼非不至涅槃問曰何
以故說近答曰實者故曰近或有欲令涅槃
不實謂彼欲令不實者斷彼意故此說真實
有種相是謂真實故名爲近或曰精勤正趣
等趣意中可得故曰近或曰意等故名爲近

若利利思惟道彼得道果梵志居士工師思
惟道彼得道果是謂等意故名爲近或曰等
處所故名爲近若於村中思惟道彼中得道
果若靜處樹下冢間露坐林中思惟道彼中
得道果是謂等處所名爲近或曰義故即是
近是故說近如婆須蜜經所說遠法云何謂
過去當來法近法云何現在法及無爲是謂
義近名爲近或曰近意解故名爲近謂聖緣
彼生忍及智如現在前猶如在前は謂近意
解故名爲近或曰得作證故名近近者現在
世此中起彼得作證是謂得作證故名爲近
或曰捨近故名爲近近者說現在世離此入

彼是謂說涅槃近如佛契經一所說聞如是
一時世尊遊波羅柰仙人住處鹿野苑中彼
時世尊告五比丘五比丘此苦本所未聞法
當正思惟時生眼智明覺五比丘應當知此
苦本所未聞法當正思惟時生眼智明覺五
比丘我已知苦本所未聞法當正思惟時生
洛眼智明覺五比丘此苦習本所未聞法當正
七卷思惟時生眼智明覺五比丘應當斷苦習本
所未聞法當正思惟時生眼智明覺五比丘
我已斷苦習本所未聞法當正思惟時生眼
智明覺五比丘此苦盡本所未聞法當正思
惟時生眼智明覺五比丘彼苦盡應當作證

本所未聞法當正思惟時生眼智明覺五比
丘我已苦盡作證本所未聞法當正思惟時
生眼智明覺五比丘此苦盡道本所未聞法
當正思惟時生眼智明覺五比丘應當思惟
苦盡道本所未聞法當正思惟時生眼智明
覺五比丘我已思惟苦盡道本所未聞法當
正思惟時生眼智明覺五比丘謂我此四諦
三轉十二行未生眼智明覺五比丘是故我
於天及人魔梵沙門梵志衆中不出不離不
解不脫心亦不離顛倒生未盡梵行未立所
作未辦名色已有未知如真五比丘我不自
覺無上正真道五比丘謂我此四聖諦三轉

十二行生眼智明覺五比丘是故我於天及
人魔梵沙門梵志衆中已出已離已解已脫
心生顛倒生已盡梵行已立所作已辦名色
已有知如真五比丘我自覺無上正真道說
此法時尊者拘隣遠塵離垢諸法法眼生及
八十千天人遠塵離垢諸法法眼生彼時世
尊告尊者拘隣汝拘隣知未拘隣對曰已知
世尊已知善逝尊者拘隣知法已故名阿若
拘隣聞此法時地神舉聲極舉大聲此世尊
於仙人住處鹿野苑中轉法輪沙門梵志天
及人魔梵及餘世間本所未轉增益諸天種
減損阿須倫衆聞此地神聲已空中神四天

五三十三天炎天兜術天尼摩羅天化他應
天舉聲舉大音聲此世尊於仙人住處鹿野
苑中轉法輪沙門梵志天及人魔梵及餘世
間本所未轉增益諸天種減損阿須倫衆即
彼時須臾頃一時間聲徹梵天此世尊於仙
人住處鹿野苑中轉法輪沙門梵志天及魔
梵及餘世間本所未轉一增益諸天種減損
阿須倫衆世尊法輪故是故名轉法輪經尊
者曇摩交羅說曰我觀世尊此所說法身毛
皆豎然世尊說義不違譬喻不違而此所說
與義相違不次第不佛同不與辟支佛聲聞
同於阿羅漢上三過說未知根云何如此於

阿羅漢上三過未知根現在前我若欲捨此
所說然此所說世尊三阿僧祇行成此所說
然後有證五比丘爲首八十千天若欲不捨
而此所說與義相違無次第不與佛同不與
辟支佛聲聞同於阿羅漢上三過說未知根
云何如此於阿羅漢上三過說未知根現在
前如所說五比丘此苦本所未聞法當正思
惟時生眼智明覺此說未知根五比丘當知
此苦本所未聞法當正思惟時生眼智明覺
此說已知根五比丘我已知苦本所未聞法
當正思惟時生眼智明覺此說無知根如是
至道如是三過說未知根云何如此於阿羅

漢上三過未知根現在前如是此所說義相
違不次第不與佛同不與辟支佛聲聞同作
此論已不捨但當改此契經應當尔五比丘
此苦習此苦盡此苦盡道本所未聞法當正
思惟時生眼智明覺五比丘當知彼苦當斷
習盡作證思惟道本所未聞法當正思惟時
生眼智明覺五比丘我已知苦習已斷盡已
作證已思惟道本所未聞法當正思惟時生
眼智明覺如是契經應尔應尔已便有三轉
及十二行作如是說者此契經不應改本諸
大師有智強力者所不改況復尊者曇摩多
問曰若不改此契經者
義相違無

第不與佛同不與辟支佛聲聞同於阿羅漢
上三過說未知根云何如此於阿羅漢上三
未知根現在前答曰此說二時說時觀時如
說時如是佛契經說如觀時如是曇摩多羅
所說如是作已二俱好尊者僧迦婆修說曰
此契經中不說未知根已知根無知根問曰

洛

九卷

若不介者此云何答曰佛契經說聞慧思慧
問曰此契經說五比丘如我此四聖諦三轉
十二行生眼智明覺云比丘我自覺無上至
真等正覺云何佛以聞慧思慧自覺無上至
真等正覺耶答曰菩薩以聞慧思慧極觀法
極生法明於法極除愚癡謂菩薩於無上至

真等正覺觀如等覺觀如已成事如人以皮
覆面却已以婆羅覆面謂障小微色如是菩
薩以聞慧思慧極觀諸法極之法明於法極
除除愚癡謂菩薩於無上至真等正覺觀如
等覺觀如已成事說曰如所說五比丘如我
此四諦三轉十二行主眼智明覺問曰如此

應十二轉有四行如說三比丘此苦本
所未聞法法當正思惟時生眼智明覺此一
轉有四行五比丘此苦應當知本所未聞法
當正思惟時生眼智明覺此二轉四行五比
丘我已知苦本所未聞法當正思惟時生眼
智明覺此三轉四行是謂苦三轉十一行如

苦如是三道亦介如此應十二轉有四十八
行何以故世尊說四諦三轉十二行答曰三
轉十二法故不過三轉十二行觀一一諦故
世尊說四聖諦三轉十二行如餘契經說比
丘七處善觀三種義速於此法中得漏盡此
不應七處善應十二處善亦有無量處
善但一法故不過七觀一一陰故世尊說比
丘七處善觀三種義速於此法中得漏盡如
餘契經說七還有成須陀洹彼不應七轉還
有應十四還有二十八還有但法應七故不
過七一一趣故世尊說極七還有成須陀洹
如餘契經說當為說法謂有二眼及色聲鼻

香舌味身細滑意法此不應一二應有六

但二法故不過二觀一一入故眼及色故乃

至意及法故如是此三轉十二行故不過三

轉十二行觀一一諦故世尊說四聖諦三轉

十二行彼生眼者為見故生智者為決定故

生明者懸鑒故生覺者覺了故復次生眼者

洛九卷

十一

遠

苦法忍生智者苦法智生明者苦未知忍生

覺者苦未知智如是至道亦尔說曰如所說

拘隣知法未拘隣對曰已知世尊已知善逝

問曰何以故世尊為尊者拘隣說知未拘隣

答曰欲令憶本昔誓故說者菩薩本宿命時

名忍辱仙人彼止山林中思惟行忍彼時有

王迦藍浮將諸婦人眷屬圍遶到彼山林無
有男子純與婦人五樂自娛彼娛樂已王疲
極卧諸婦人等知王眠已捨王求華遊彼山
間遙見一處有菩薩顏貌端正猶如日月照
於山林在彼而在見已便至菩薩所到已頭
面禮菩薩足禮已却坐一面於是菩薩為其
說法愛欲不淨此諸妹等欲者不淨臭處可
厭因起瞋恚生無量苦如是廣為說欲不淨
彼時迦藍浮王睡覺不見諸婦人彼作是念
咄此為灾誰將諸婦人去彼拔刀已往詣山
間推求遙見在菩薩前坐彼作是念此大鬼
神所持又見菩薩顏貌端正諸女人等坐菩

薩前見已極生瞋恚便至菩薩所到已問菩薩曰仙人得有想無想耶對曰不也大王得不用處識處空處耶對曰不也大王王曰仙人得四禪三禪二禪一禪耶對曰不也大王彼作是念咄此爲灾未棄結之人見我婦人王語菩薩曰汝在此空靜處何所爲而不得尔所功德菩薩對曰大王我修行忍王作是念此見我瞋而言行忍不可柔軟言試此人忍王向菩薩說曰仙人若行忍者伸右手我當觀汝云何行忍菩薩無恚意即伸右臂王無恚心棄捨後世極惡心以利刀截手投足下如是左手二足耳鼻割已說曰仙人何所

願菩薩對曰大王但有疲勞汝取我身碎如
胡麻我終不捨於忍如母愛子但大王聽我
誓願而汝取我無過之人以極利刀截身七
分如是我初得佛法不久起大悲思惟七種
道斷汝七使王作惡已離彼處還彼時山林
中有異仙人海在邊山彼聞迦藍簿王加惡於
忍辱仙人九卷於是後仙人至忍辱仙人所到已
問曰仙人不極患身苦耶忍辱仙人對曰我
無苦痛仙人問曰因有足故知有行來因有
手知有取受汝無手足耳鼻七分之餘云何
言無苦痛耶忍辱對曰不以身壞名為苦痛
心壞乃為苦痛謂受地獄畜生餓鬼不善之

果復次汝等若有疑者觀此瘡處血淨流出
如牛乳不仙人問曰汝遭被困時修何等意
菩薩對曰彼王以利刀截我身肢節時我於
一切衆生修於大慈仙人說曰善哉善哉修
習大行緣汝斯行饒益一切世間仙人慰勞
已便還所止仙人還不久四大天王極大起
凍雹風雨已至忍辱仙人所到已向忍辱仙
人說曰仙人當勅我等我當壞彼迦藍浮王
妻子眷屬國土人民忍辱仙人身毛皆豎說
曰謂截我手足耳鼻斷身七分我於彼不起
毛髮之惡況復彼國人民於我無過而欲加
之四大天王說曰若不欲行惡何得憂感止

此山林忍著對曰我但憂念彼迦藍浮王何
故彼作余所惡謂當受地獄極苦謂菩薩轉
後身已乃至降魔成無上最正覺覺已為尊
者拘隣說法尊者拘隣遠塵離垢諸法法眼
生已說曰拘隣謂昔截我手足耳鼻斷身七
分我作誓願汝取無過之人斷身七分我初
得佛法不久得大悲修七種道斷汝七使本
所誓願今為果不尊者拘隣慙愧著耻對曰
真果世尊真果善逝是謂欲令憶本誓故世
尊說拘隣知法未如尊者拘隣見諦彼時世
尊觀當來世知何者多我三阿僧祇劫多耶
為拘隣受當來陰身入身多耶世尊觀拘隣

受一阿鼻泥梨陵界入身多非佛三阿僧祇劫一時間須臾頃數多世尊作是念若我三阿僧祇劫苦行不作餘事但脫拘隣尔所苦於三阿僧祇果願已畢世尊如是觀比丘拘隣應當害一切衆生一切衆生亦當害拘隣比丘拘隣當食一切衆生一切衆生亦當食

洛

九卷十三

釋

拘隣比丘拘隣當縛一切衆生一切衆生亦當縛拘隣若我三阿僧祇苦行不作餘事但脫拘隣尔所苦於三阿僧祇果願已畢如所說此世尊於波羅柰仙人住處鹿野苑中轉法輪問曰轉法輪處一切三耶三佛定耶爲非定耶若定者定先如來契經云何通彼說

定光如來無所著等覺於燈王城呵梨那山
轉法輪若不定者彼尊者法實偈云何通
此處過去佛 第一初說法

作此論已答曰轉法輪處不定問曰若尔者
定光如來經善通尊者實偈云何解答曰此
不必通非契經非鼻貳非阿毗曇但彼作頌
者欲令句義合故更有說者此是常定處如
是說者一切三耶三佛處常定一金剛坐處
二轉法輪處三天上來下處問曰云何知金
剛坐處定答曰有契經說過去時有王名頂
生彼領四天下得自在與四種兵欲至天上
彼時輪住虛空輪住已一切四種兵亦住四

種兵住已頂生王便恐怖身宅皆豎王作是
念將不亡失國耶命不中天耶爲諸天不欲
見我耶於是彼空中天慰勞頂生王曰大王
勿恐怖大王勿恐怖亦不亡失國命不中天
諸天非不喜見頂生王問天曰天若我無此
灾患者何以故輪住空中天對曰大王此處
一切恒沙如來無所著等正覺降魔官屬已
成無上最正覺是故此處一切衆生無能歷
上者是故輪住空中於是頂生王還從上下
已即於彼處立踰婆極大供養已更從餘處
飛昇天上共釋提桓因半坐聞者三千六百
釋命終彼故在坐以此經可知金剛坐處常

定問曰云何知轉法輪處常定答曰如法實

偈所說問曰若今者尊者法實偈善通彼說

定光如來無所著等正覺於燈王城呵黎那

山轉法輪答曰彼燈王城者即是波羅奈阿

梨那山者即是仙人住處鹿野苑以此可知

一切三耶三佛轉法輪處常定問曰云何知

洛九卷 古慶元丙辰

從天上來下處常定答曰如所說於過去時

衆多比丘同止彼處少有所為離彼處遊餘

處諸比丘去不乂餘異學入住彼處彼衆多

比丘於後時還來本處語異學言此是我處

異學亦說此是我處彼便共極大鬪諍諸比

丘厭諍已語異學曰當共作真諦言有真諦

者便得此處異學言可尔可尔異學多作誠
諦語而不成就比丘說曰聽我誠諦語彼處
有師子幢被諸比丘同一聲發誠諦語以此
真實之言若一切恒沙三耶三佛爲母故及
三十三天說法已來下初至此處者以此真
諦言令師子幢現有變化彼時師子極大震
吼諸異學聞已驚怖畏懼便捨而走不入彼
處彼師子極大吐華華滿彼處以此可知一
切諸三耶三佛從天上下是常定處以此事
知一切三耶三佛三處常定金剛坐處轉法
輪處天上下處問曰如所說地神舉聲彼時
諸大天亦集近世尊坐如四六天王釋提桓

因及大梵天首陀會天及餘極妙天龍鬼神
近世尊坐諸地神坐處遠不近世尊何以故
地神前發音聲答曰此地神是彼諸天給使
是故彼前發聲或曰地神者不常定是故彼
前發聲如大聚會極作伎樂謂不常定人者
便速前舉聲笑謂常定人然後庠序笑如是
地神非常定是故前發音聲餘諸天常定是
故最後發聲或曰地神當常護菩薩故說者
諸菩薩兜術終已生閻浮提迦羅衛國不亂
入母胎被時釋提桓因勅遮勒天子汝遮勒
五百青鬼菩薩在母胎常當擁護莫令有觸
燒菩薩者於是遮勒天子受譯爰已便勅玉

百青鬼當往迦羅衛國擁護事菩薩彼諸青鬼
菩薩在母胎及生常擁護之以佛轉法輪地
神作是念菩薩在母胎及生我等常擁護此
是我等疲勞所得功報彼歡喜悅豫故前發
聲此世尊轉法輪問曰聞此法已地神舉聲
音徹梵天何以故聲不過梵天答曰謂耳識
現在前故洛聲徹也九卷過梵天上無有自地耳識十五
現在前或曰梵天請佛轉法輪故聲徹梵天
首陀會天勸請菩薩使成無上最正覺謂與
菩薩化作老病人及沙門彼一切首陀
會天所作菩薩見老病死及沙門已厭患
出家學道止除魔官屬已成無上最正覺彼

時首陀會天踊躍歡喜發大音聲謂我等為
菩薩化作老病死入及沙門是我等疲勞所
得功報以是故成無上正覺時聲徹至首陀
會天大梵天請佛世尊轉法輪彼踊躍歡喜
發大音聲此世尊轉法輪是我等疲勞所得
功報以是故轉法輪時聲徹梵天不過上說
者謂佛為四天王故聖語說四諦二知二不
知謂不知者為

曇羅國語說

裡佞

也苦

彌佞

也習

陀破

也盡

陀羅破

也道

此說苦邊一知一不知謂不知者為弥離車

國語說

摩舍兜舍

僧舍摩

薩婆多

鞞黎羅

七

說苦邊盡知問曰世尊為四天

王說四諸身語為有力耶無力耶若有有力者
何以故為二聖語說一曇羅國一彌離車國
語說若無力者本師偈云何通

一音聲說法

悉遍成音義

彼各作是念

最勝為我說

一音聲說法者是梵音也悉遍音者若有真
旦人彼作是念謂佛作真旦語說法如是陀
勒摩勒波勒佉沙婆佉黎謂彼處若有兜佉
勒人彼作是念謂佛作兜佉佉語說法現義
者者欲者作是念世尊說不淨恚者作是念
世尊說慈癡者作是念世尊說緣起彼各作
是念最勝為我說者眾中作是念世尊為我

故說法是故說

一音聲說法

悉遍成音義

彼各作是念

最勝為我說

作此論已答曰無力何以故世尊不可以耳

見色以眼聽聲問曰若無力者此偈云何通

答曰此偈不必通偈者非契經非律非阿毗

曇但彼作頌者欲令句義合故此是讚佛非

是實如鞞婆闍提說諸佛不眠以除陰蓋故

佛世尊亦常定故如是更有說者諸佛世尊

不飲不食除諸著味故此是讚佛非是實如

是偈讚佛非是實若通此偈者當何意答曰

世尊所說極捷速世尊諸極速為一說已

復爲一說。以一時或曰世尊語音一切音各有境界應適一切音世尊極知真旦語勝生真旦中者如是陀勒摩勒波勒佉沙婆佉梨兜佉勒世尊極知兜佉勒語勝生兜佉勒中者以是故說一音聲說法悉遍成音義更有說者世尊有力問曰若余者此偈爲善通何以故世尊爲四天王說四諦爲二聖語說爲一曇羅國語說爲一彌離車國語說答曰欲滿彼四天王意願故二天王願世尊聖語爲我說四諦一願曇羅國語一願彌離車國語世尊常欲滿他一切善願隨所欲而爲說法是謂滿四天王意願故爲二聖語說四諦

爲一曇羅國語爲一彌離車國語說或曰斷
他疑故莫令有作是念世尊但善於聖語不
能曇羅國語彌離車國語是故斷他疑故說
我一切中自在以故今或世尊教化或爲變
身口或不變謂不變身口者若爲彼變便不
得度以是故世尊以已力遊明者尸人間一
日行十二由延說者即彼日教化七十千人
入聖法中謂一切緣不變身口謂教化變身
口者爲彼不變便不得度以是故世尊爲四
天王二聖語說一曇羅語說一彌離車語說
說四諦時如是行觀時一切根本聖行問曰
四聖諦幾性斷非緣斷幾緣斷非性斷幾性

亦緣斷幾亦非性斷亦非緣斷若曰性斷非
緣斷謂苦諦習諦無漏緣此性斷非緣斷緣
斷非性斷者謂道諦有漏緣此緣斷非性斷
性斷緣斷者謂苦諦習諦有漏緣此性斷亦
緣斷非性斷亦非緣斷者謂盡諦及道諦無
漏緣此非性斷亦非緣斷廣說四諦處盡

十七帝尾 卷第九

辨婆沙論卷第九

葛同印造

洛



